

**Broj: 01-04-6-02116-4/2021
Sarajevo, 11.5.2021. godine**

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj 39/14), Pravilnika o postupku direktnog sporazuma („Službeni glasnik BiH“, broj 90/14), te čl. 6. i 7. Pravilnika o postupku javne nabavke putem direktnog sporazuma u Federalnoj upravi za inspeksijske poslove broj 01-02-6-01567/2015 od 31.3.2015. godine, nakon razmatranja Preporuke Komisije za javne nabavke broj 01-04-6-02116-3/2021 od 10.5.2021. godine, Direktor Federalne uprave za inspeksijske poslove, u ime ugovornog organa, donosi

O D L U K U

o dodjeli ugovora o nabavci usluga stalnog internet pristupa u zgradi FUZIP-a u Sarajevu

I

Prihvata se preporuka Komisije za javne nabavke uprave broj 01-04-6-02116-3/2021 od 10.5.2021. godine, te se ugovor o nabavci usluga stalnog internet pristupa u zgradi FUZIP-a u Sarajevu dodjeljuje ponuđaču „Logosoft“ d.o.o. Sarajevo.

Ugovor sa ponuđačem „Logosoft“ d.o.o. Sarajevo, zaključit će se pod slijedećim uslovima:

- ukupna cijena bez PDV-a 5.880,00 KM;
- jedinična cijena usluga na mjesečnom nivou iznosi 490,00 KM bez uračunatog PDV-a, odnosno 573,30 KM sa PDV-om
- ukupna cijena sa uračunatim PDV-om 6.879,60 KM
- opis usluge: stalni internet pristup putem simetrične optičke internet konekcije
- kapacitet veze min: 65/65 Mbps
- interface: Optical
- broj iznajmljenih IP adresa: 16
- rok plaćanja: plaćanje će se vršiti u roku od 30 dana od dana ispostavljanja pojedinačnih mjesečnih faktura
- trajanje ugovora: ugovor će se zaključiti na period od jedne godine dana

II

Ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

III

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Direktor Federalne uprave za inspeksijske poslove je svojom odlukom broj 01-04-6-02116-1/2021 od 4.5.2021. godine pokrenuo direktni postupak javne nabavke usluga stalni internet pristup u zgradi Federalne uprave za inspeksijske poslove u Sarajevu.

Komisija za javne nabavke je na osnovu zahtjeva Sektora za tehničku podršku i plansko analitičke poslove pripremila akt kojim je tražila dostavljanje ponude i isti uputila na adresu ponuđača Logosoft d.o.o. Sarajevo dana 4.5.2021. godine. Zahtjevom je utvrđeno da je rok do kojeg se može dostaviti ponuda 12.5.2021. godine.

Navedeni ponuđač je dana 10.5.2021. godine dostavio ponudu broj 047-02-SA /2/ od 7.5.2021. godine, što je u roku ostavljenom pozivom za dostavljanje ponude.

Komisija je izvršila otvaranje ponude, te je konstatovano da je navedeni ponuđač ponudio usluge stalnog pristupa internetu u zgradi Federalne uprave za inspekcijske poslove u Sarajevu za period od 1 (jedna) godina dana po ukupnoj cijeni od 5.880,00 KM bez uračunatog PDV-a, odnosno u mjesečnom iznosu od 490,00 KM.

Komisija je razmotrila dostavljenu ponudu sa aspekta ponuđenih pojedinačnih kao i ukupne cijene i tom prilikom je utvrdila da je sa aspekta cijene ponuda prihvatljiva. Također je utvrđeno da je ponuđač prihvatio sve uslove zahtjevane pozivom za dostavljanje ponude.

Slijedom prednje navedenog, Komisija je sačinila preporuku za dodjelu ugovora broj 01-04-6-02116-3/2021 od 10.5.2021. godine, u kojoj je predložila da se sa navedenim ponuđačem zaključi ugovor o konkretnoj nabavci, te je istu dostavila direktoru uprave na razmatranje.

Nakon razmatranja dostavljene preporuke direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke žalba nije dopuštena.



DIREKTOR

Anis Ajdinović

Dostaviti:

1. Logosoft d.o.o. Sarajevo, Grbavička 4, 71000 Sarajevo
2. Sektor za tehničku podršku i plansko- analitičke poslove
3. Sektor za materijalno-finansijske poslove
4. Komsija za javne nabavke (a/a)